



অবিলম্বে প্রকাশের উদ্দেশ্যে: 9/14/2021

গভর্নর ক্যাথি হোচুল

জয়েন্ট কমিশন অন পাবলিক ইথিকস-এ নিয়োগের বিষয়ে গভর্নর হোচুলের ঘোষণা

মাননীয় সি. র্যান্ডাল হিনরিখ কমিশনে দায়িত্ব পালন করবেন এবং কমিশনার জেমস ই. ডেরিং ভারপ্রাপ্ত সভাপতি হিসেবে দায়িত্ব পালন করবেন

JCOPE-এর সংস্কার এবং নিউ ইয়র্ক স্টেটে নৈতিকতা তদারকি উন্নত করার প্রক্রিয়া শুরু হয়েছে

জয়েন্ট কমিশন অন পাবলিক ইথিকস-এ নিয়োগের বিষয়ে গভর্নর হোচুল আজ ঘোষণা দিয়েছেন। গভর্নর কমিশনার জেমস ই. ডেরিংকে ভারপ্রাপ্ত সভাপতি হিসেবে মনোনীত করছেন এবং মাননীয় সি. র্যান্ডাল হিনরিখকে গভর্নরের তরফ থেকে নিয়োগপ্রাপ্ত হিসেবে কমিশনে দায়িত্ব পালনের জন্য নিযুক্ত করছেন। এছাড়াও গভর্নর হোচুল ঘোষণা দিয়েছেন যে তিনি JCOPE-এর পর্যালোচনা ও সংস্কার প্রক্রিয়া শুরু করতে যাচ্ছেন, এবং সে প্রক্রিয়ার অংশ হিসেবে ভালো সরকারি গ্রুপ, আইনপ্রণেতা, এবং অন্য স্টেকহোল্ডারদের কাছ থেকে নিউ ইয়র্ক স্টেটে নৈতিকতা তদারকি উন্নত করার বিষয়ে মতামত গ্রহণ করবেন।

"গভর্নর হিসেবে দায়িত্ব গ্রহণের পর প্রথম দিন আমি যেমনটা বলেছিলাম, আমি এমন উন্মুক্ত, নৈতিক শাসন পরিচালনা করতে দৃঢ় প্রতিজ্ঞ যার উপর নিউ ইয়র্কবাসীরা আস্থা রাখতে পারবেন। এসব নিয়োগ একটি গুরুত্বপূর্ণ প্রথম পদক্ষেপ এবং নৈতিকতা কর্তৃপক্ষের কার্যপরিচালনার জন্য জরুরি প্রয়োজন মেটাতে কাজ করবে," বলেছেন গভর্নর হোচুল। "আমরা JCOPE-এর সাহসী সংস্কার কাজ সম্পন্ন করতে দৃঢ় প্রতিজ্ঞ, যার জন্য আমার প্রশাসন আইনপ্রণেতা, ভালো সরকারি গ্রুপ ও জনসাধারণের সাথে নৈতিকতা তদারকি সংস্কার করতে কাজ করবে এবং এই নৈতিকতা কর্তৃপক্ষের কর্মকাণ্ড যাতে নিন্দার সম্মুখীন না হয় তা নিশ্চিত করবে।"

জেমস ই. ডেরিং কমিশনের ভারপ্রাপ্ত সভাপতি হিসেবে দায়িত্ব পালন করবেন। কমিশনার ডেরিং স্বাস্থ্যসেবা শিল্প ও অন্যান্য খাতের গ্রাহকদের ব্যবসায়িক ও আইনি প্রয়োজন পূরণের দিকে নজর দেয় এমন একটি আইনি ফার্ম, গারফুনকেল ওয়াইল্ড, P.C. (Garfunkel Wild, P.C., GW)-এর একজন অংশীদার। মি. ডেরিং GW-এর আলবানি, NY অফিসে কর্মরত এবং ফার্মটির স্বাস্থ্যসেবা, ব্যবসা ও কমপ্লায়েন্স অনুশীলন গ্রুপের একজন সদস্য। এর আগে তিনি নিউ ইয়র্ক স্টেটের স্বাস্থ্য বিভাগের (Department of Health) জেনারেল কাউন্সেল হিসেবে দায়িত্ব পালন করেছেন, এবং তার আগে ব্যুরো অব হাউজ কাউন্সেল (Bureau of House Counsel)-এর ডেপুটি জেনারেল কাউন্সেল ও ডিরেক্টর হিসেবে কর্মরত ছিলেন। জেনারেল কাউন্সেল হিসেবে

তিনি স্বাস্থ্য কমিশনারের প্রধান আইনি পরামর্শদাতার দায়িত্ব পালন করতেন এবং প্রায় 125 জন অ্যাটর্নি ও কর্মীর তদারকি করেছেন। এর আগে মি. ডেরিং নিউ ইয়র্ক স্টেটের অ্যাটর্নি জেনারেলের স্বাস্থ্যসেবা ব্যুরো (Health Care Bureau)-এর ব্যুরো প্রধান হিসেবে দায়িত্ব পালন করেছেন, এবং অ্যাটর্নি জেনারেলের দপ্তরে অন্যান্য পদে কর্মরত ছিলেন। সরকারি পদে দায়িত্ব পালনের আগে, মি. ডেরিং 10 বছরের বেশি সময় ধরে ব্যক্তিগতভাবে অনুশীলন করেছেন এবং স্বাস্থ্যসেবা, বিমা, কর্পোরেট আইন ও মামলা সংক্রান্ত ব্যাপারে গ্রাহকদের পরামর্শ প্রদান করেছেন। তিনি ইউনিয়ন ইউনিভার্সিটির (Union University) আলবানি ল স্কুল (Albany Law School) থেকে তার J.D, ওরফে লডে, পেয়েছেন এবং ইথাকা কলেজ (Ithaca College) থেকে ব্যবসা ব্যবস্থাপনায় B.S. ডিগ্রি অর্জন করেছেন।

মাননীয় সি. র্যান্ডাল হিনরিখ কমিশনে দায়িত্ব পালনের জন্য নিযুক্ত হয়েছেন। তিনি-এর আগে সাফোক কাউন্টির ডিস্ট্রিক্ট অ্যাডমিনিস্ট্রেটিভ জজ হিসেবে দায়িত্ব পালন করেছেন। উক্ত দায়িত্ব পালনকালে তিনি সাফোক কাউন্টি ট্রায়াল আদালতের কার্যপরিচালনার জন্য দায়বদ্ধ ছিলেন, যেসময়ে তিনি সাফোক কাউন্টির আনুমানিক 1.5 মিলিয়ন নাগরিকের চাহিদা পূরণের জন্য সেবা দিয়েছেন, এবং আনুমানিক 1,000 জন কর্মচারী ও 70 জনেরও বেশি বিচারককে তদারকি করার দায়িত্ব পালন করেছেন। তার আগে বিচারপতি হিনরিখ 25 এপ্রিল, 2008 থেকে শুরু করে ডিস্ট্রিক্ট অ্যাডমিনিস্ট্রেটিভ জজ হিসেবে তার নিয়োগপ্রাপ্তির আগ পর্যন্ত সাফোক কাউন্টি আদালতের সুপারভাইজিং জজ হিসেবে দায়িত্ব পালন করেছেন। বেঞ্চ যোগ দেয়ার আগে বিচারপতি হিনরিখ 1982 সালের মার্চ থেকে 2001 সালের ডিসেম্বর পর্যন্ত সাফোক কাউন্টির ডিস্ট্রিক্ট অ্যাটর্নির দপ্তরে দায়িত্ব পালন করেছেন। বিচারপতি হিনরিখ সাফোক কমিউনিটি কলেজের (Suffolk Community College) ফৌজদারি বিচার প্রোগ্রামে সহযোগী অধ্যাপক হিসেবে দায়িত্ব পালন করেছেন। এছাড়াও তিনি সাফোক কাউন্টি বার অ্যাসোসিয়েশন, সাফোক কাউন্টি ক্রিমিনাল বার অ্যাসোসিয়েশন-এ লেকচার দিয়েছেন, এবং টুউরো ল সেন্টারের (Touro Law Center) ফোরামে বক্তব্য রেখেছেন। বিচারপতি হিনরিখ বাকনেল বিশ্ববিদ্যালয় (Bucknell University) ও স্টেট ইউনিভার্সিটি অব নিউ ইয়র্কের (State University of New York) বাফেলো ল স্কুল থেকে গ্র্যাজুয়েশন সম্পন্ন করেছেন।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)